

MAKLUMAN MEDIA
KEMENTERIAN PEMBANGUNAN USAHAWAN
5 JANUARI 2018 (SABTU)

BIL.	TAJUK	MUKA SURAT	AKHBAR
1.	MOA focus bantu 4 bidang pertanian di Melaka	M17	Berita Harian

Disediakan Oleh:

Unit Komunikasi Korporat (UKK)

Kementerian Pembangunan Usahawan

PERTANIAN

MOA fokus bantu 4 bidang pertanian di Melaka

BH 5/1 M:17

Ayer Keroh: Kementerian Pertanian dan Industri Asas Tani (MOA) memfokuskan empat bidang utama dalam sektor pertanian untuk dimajukan di Melaka sebagai inisiatif yang boleh dimanfaatkan masyarakat tani di negeri itu.

Menterinya, Datuk Salahuddin Ayub, berkata bidang yang dilihat berpotensi untuk dimajukan itu adalah pengeluaran telur ayam, ternakan kambing, akuakultur dan tanaman fertigasi yang mampu memberi hasil lumayan kepada pengusahanya.

Beliau berkata, hasil lawatannya ke ladang ternakan kambing jenis Boer di Bukit Apil, Masjid Tanah mendapati, bidang ternakan ruminan itu mampu memberi pulangan lumayan kepada penternak apabila pengusahanya mampu menjual hasil ternakan itu sehingga 50 ekor sebulan.

"Ia memberi pulangan yang cukup lumayan.

"Justeru, kita akan (bantu) jadikan ladang ini lebih besar pada masa akan datang dengan harapan

suatu hari nanti mereka akan menjadi pembimbing kepada perusahaan kecil dan sederhana (PKS) lain yang turut terbabit dalam bidang ternakan," katanya pada sidang media bersama Ketua Menteri, Adly Zahari di Seri Negeri, di sini.

Mengulas lanjut, Salahuddin berkata, bidang akuakultur juga boleh memberikan pulangan berganda kepada pengusahanya dan ia terbukti apabila nelayan yang mengusahakannya mampu meraih sehingga RM31 juta sepanjang 2017.

Sehubungan itu, beliau mempelawa nelayan pantai yang mempunyai lesen tangkapan ikan kelas A untuk menceburi bidang terbabit.

Fokus tanaman fertigasi

"MOA sedia membantu menerusi perbincangan lebih kerap dengan Agro Bank supaya dapat memberi pinjaman kepada mereka yang mahu memulakan bidang ini.

"Kita juga memberi fokus kepada tanaman fertigasi yang se-



[FOTO RASUL AZLI SAMAD/BH]

Salahuddin bersama Adly (dua dari kiri) pada perjumpaan di Seri Negeri, Ayer Keroh, semalam. Yang turut serta, Setiausaha Kerajaan Negeri, Datuk Roslan Ibrahim (kiri) dan EXCO Pertanian, Pembangunan Usahawan Dan Industri Asas Tani negeri, Norhizam Hassan Baktee.

memangnya sudah terbukti memberi hasil yang baik kepada pengusahanya," katanya.

Sementara itu, Salahuddin berkata kementeriaannya sedang mengkaji sama ada Melaka layak

diisytiharkan sebagai hab pengeluaran telur ayam terkemuka di negara ini atau sebaliknya.

"Jumlah pengeluaran telur ayam dari negeri ini antara yang tertinggi di Malaysia.

"Melaka berpotensi dalam sektor pengeluaran telur ayam.

"Sama ada akan isytiharkan Melaka sebagai hab telur ayam, kita akan bincang bersama kelak," katanya.